

大智度論

籍


第三十一

二百十一  
建一

48857

52

52



大智度論卷第二十一

建

龍樹菩薩造

姚秦三藏法師鳩摩羅什譯

釋初品中八背捨第三十四

八背捨者內有色外亦觀色是初背捨內無  
色外觀色是第二背捨淨背捨身作證第三  
背捨四無色定及滅受想定是五合為八背  
捨背是淨潔五欲離是著心故名背捨不壞  
內外色不內外滅色相以是不淨心觀色是  
名初背捨壞內色滅內色相不壞外色不滅  
外色相以是不淨心觀外色是第二背捨是  
二皆觀不淨一者觀內觀外二者不見內但  
見外何以故衆生有二分行愛行見行愛多

者著樂多縛在外諸使行見多者多著身見  
等諸見爲內諸使縛以是故愛多者觀外色  
不淨見多者觀自身不淨壞敗復次行者初  
心未細攝繫心一處難故內外觀漸習調柔  
能內壞色相但觀外問曰若無內色相誰當  
觀外荅曰是爲得解道非實道行者念未來  
死火燒虫噉埋著土中皆磨滅若現在觀亦  
分別是身乃至微塵皆無是名內無色相外  
觀色問曰二勝處見內外色六勝處但見外  
色一背捨見內外色二背捨但見外色何以  
故但內有壞色相外色不能壞荅曰行者眼  
見是身有死相取是未來死相以況今身外

四大不見滅相故難可觀無故不說外色壞  
復次離色界時是時亦不見外色淨背捨身  
作證者不淨中淨觀如八勝處說前八一切  
處觀清淨地水火風及青黃赤白觀青色如  
青蓮華如金精山如優摩伽華如真青婆羅  
捺衣觀黃赤白各隨色亦如是摠名淨背捨  
問曰若摠是淨背捨不應說一切處答曰背  
捨是初行者勝處是中行一切處是久行不  
淨觀有二種一者不淨二者淨不淨觀中二  
背捨四勝處淨觀中一背捨四勝處八一切  
處問曰行者以不淨為淨名為顛倒淨背捨  
觀云何不顛倒答曰女色不淨妄見為淨是

名顛倒淨背捨觀一切實青色廣大故不顛  
倒復次爲調心故淨觀以久習不淨觀心猒  
以是故習淨觀非顛倒亦是中不著故復次  
行者先觀身不淨隨身法所有內外不淨繫  
心觀中是時生猒恚癡薄即自驚悟我爲  
無目此身如是云何生者攝心實觀無令復  
錯心旣調柔想身皮肉血髓不淨除却唯有  
白骨繫心骨人若外馳散攝之令還深攝心  
故見白骨流光如珂如貝能照內外諸物是  
爲淨背捨初門然後觀骨人散滅但見骨光  
取外淨潔色想復次若金剛真珠金銀寶物  
若清淨地若淨水如無烟無薪淨潔火若清

風無塵諸青色如金精山諸黃色如占蔔華  
諸赤色如赤蓮華諸白色如白雪等取是相  
繫心淨觀隨是諸色各有清淨光曜是時行  
者得受喜樂遍滿身中是名淨背捨緣淨故  
名為淨背捨遍身受樂故名為身證得是心  
樂背捨五欲不復喜樂是名背捨未漏盡故  
中間或結使心生隨著淨色復勤精進斷此  
著故如是淨觀從心想生譬如幻主觀所幻  
物知從己出心不生著能不隨所緣是時背  
捨變名勝處於淨觀雖勝未能廣大是時行  
者還取淨相用背捨力及勝處力故取是淨  
地相漸漸遍滿十方虛空水火風亦不取清

相漸令廣大亦遍十方。虛空黃赤白亦如是。是時勝處復變為一切處。是三事一義轉變。有三名。問曰：是三背捨八勝處。十一切處。是實觀。是得解觀。若實觀身有皮肉。何以但見白骨。人三十六物。合為身法。何以分別散觀。四大各自有相。何以滅三大。但觀一地。大。四。色。非盡是青。何以都作青觀。答曰：有實觀。亦有得解觀。身相實是不淨。是為實觀。外法中有淨相。種種色相。是為實淨觀。淨不淨。是為實觀。以此少許淨。廣觀一切。皆是淨。取是一水。遍觀一切。皆是水。取是少許青。相遍一切。皆是青。如是等。是為得解觀。非實。四無色。背。



捨如四無色定中觀欲得背捨先入無色定  
無色定是背捨之初門背捨色緣無量虛空  
處問曰無色定亦亦有何等異答曰凡夫人得  
是無色定是為無色聖人深心得無色定一  
向不迴是名背捨餘殘識處無所有處非有  
想非無想處亦如是背滅受想諸心心數法  
是名滅受想背捨問曰無想定何以不名背  
捨答曰邪見者不審諸法過失直入定中謂  
是涅槃從定起時還生悔心墮在邪見是故  
非背捨滅受想患猒散亂心故入定休息似  
涅槃法著身中身得故名身證八勝處者內  
色相外觀色少若好若醜是色勝知勝觀是

名初勝處內色相外觀色多若好若醜是色  
勝知勝觀是名第二勝處第三第四亦如是  
但以內無色相外觀色爲異內亦無色相外  
觀諸色青黃赤白是爲八勝處內色相外觀  
色者內身不壞見外緣少者緣少故名少觀  
道未增長故觀少因緣觀多畏難攝故譬如  
鹿遊未調不中遠放若好若醜者初學繫心  
緣中若眉間若額上若鼻端內身不淨相內  
身中不淨相觀外諸色善業報故名好不善  
業報故名醜復次行者如從師所受觀外緣  
種種不淨是名醜色行者或時憶念忘故生  
淨相觀淨色是名好色復次行者自身內繫

心一處觀欲界中色二種一者能生婬欲二  
者能生瞋恚能生婬欲者是淨色名爲好能  
生瞋恚者是不淨色名爲醜於緣中自在勝  
知勝見行者於能生婬欲端正色中不生婬  
欲於能生瞋恚惡色中不生瞋恚但觀色四  
大因緣和合生如水沫不堅固是名若好若  
醜勝處者行者住是不淨門中婬欲瞋恚等  
諸結使未能不隨是名勝處勝是不淨中淨  
顛倒等諸煩惱賊故問曰行者云何內色想  
外觀色荅曰是八勝處深入定心調柔者可  
得行者或時見內身不淨亦見外色不淨不  
淨觀有二種一者三十六物等種種不淨

者除内外皮肉五藏但觀白骨如珂如雪  
十六物等觀是名醜如珂如雪觀是名好行者  
内外觀時心散亂難入禪除自身相但觀外色  
如阿毗曇中說行者以得解脫觀見是身死  
死已舉出塚間若火燒若虫噉皆已滅盡是  
時但見虫火不見身是名内無色相外觀色  
行者如教受觀身是骨人若心外散還攝骨  
人緣中何以故是人初習行未能觀細緣故  
是名少色行者觀道轉深增長以此一骨人  
遍觀閻浮提皆是骨人是名爲多還復攝念  
觀一骨人以是故名勝知勝見復次隨意五  
欲中男女相淨潔相能勝故名爲勝處譬如

健人乘馬擊賊能破名爲勝又能制御其馬  
是亦名勝行者亦如是能自於不淨觀中少  
能多多能少是爲勝處亦能破五欲賊亦名  
勝處內未能壞身外觀色若多若少若好若  
醜是初第二勝處內壞身無色相觀外色若  
多若少若好若醜是第三第四勝處攝心深  
入定中壞內身觀外淨緣青色黃色赤白白色  
是爲後四勝處問曰是後四勝處十一切處  
中青等四處有何等異荅曰青一切處能普  
緣一切令青是勝處若多若少隨意觀不令  
異心奪觀勝是緣名爲勝處譬如轉輪聖王  
遍勝四天下閻浮提王勝一天下而巳一切

處普遍勝一切緣勝處但觀少色能勝不能  
遍一切緣如是等略說八勝處十一切處者  
背捨勝處已說此以遍滿緣故名一切處問  
曰何以無所有處非有想非無想處不名一  
切處荅曰是得解之心安隱快樂廣大無量  
無邊虛空處是佛所說一切處中皆有識能  
疾緣一切法故一切法中皆見有識以是故  
二處立一切處無所有中無物可廣亦不得  
快樂佛亦不說是無所有無邊無量非有想  
非無想處心鈍難得取相令廣大復次虛空  
處近色界亦能緣色識處能緣緣色又識處  
起能超入第四禪第四禪起超入識處無所

有處非有想非無想處遠無色因緣故非一切處是三種法皆行得勝處一切處是有漏初三背捨第七第八背捨是有漏餘殘或有漏或無漏初二背捨初四勝處初禪二禪中攝淨背捨後四勝處八一切處第四禪中攝二一切處即名說空處空處攝識處識處攝前三背捨八勝處八一切處皆緣欲界後四背捨緣無色界及無漏法諸妙功德在根本中善無色根本不緣下地故滅受想定非心心數法故無緣九次第定者從初禪心起次第入第二禪不令餘心得入若善若垢如是乃至滅受想定問曰餘者亦有次第何以但

稱九次第定。答曰：餘功德皆有異心間生，故非次第。此中深心智慧利行者，自試其心從一禪心起，次入二禪，不令異念得入。此於功德心柔軟善斷法愛，故能心心相次。是次第，二是有漏，七或有漏，或無漏。禪中間未到地不牢固，又是聖人所得。又此大功德不在邊地，是故無次第。第八背捨，入勝處，十一切處。九次第定，聲聞法中略說。大智度論釋初品中九相義，第三十五。

九相：脹相、壞相、血塗相、膿爛相、青相、散相、骨相、燒相。問曰：應當先習九相，離欲然後得諸禪。何以故？諸禪定後，方說九相。答曰：先讚果報，令行者心樂。九相雖是不淨人貪其果報，故必習。



行問曰行者云何觀是脹相等九事荅曰行者先持戒清淨令心不悔故易受觀法能破婬欲諸煩惱賊觀人初死之日諦諷言語息出不反奄忽已死室家驚慟號哭呼天言說方介奄便那去氣滅身冷無所覺識此為大畏無可免處譬如劫盡火燒無有遺脫如說死至無貧富無懃修善惡無貴亦無賤老少無免者無祈請可救亦無欺誑離無擇捨得脫一切無免處死法名為永離恩愛之處一切有生之所無者雖甚德之無得脫者我身不久必當如是同於木石無所別知我今不應貪著五欲不

覺死至同於牛羊牛羊禽獸雖見死者跳騰  
哮吼不自覺悟我既得人身識別好醜當求  
甘露不死之法如說

六情身完具

智鑒亦明利

而不求道法

唐受身智慧

禽獸皆亦知

欲樂以自恣

而不知方便

為道修善事

既已得人身

而但自放恣

不知脩善事

與彼亦何異

三惡道衆生

不得修道業

已得此人身

當得自益利

行者到死屍邊見死屍腫脹如箆囊盛風異  
於本相心生厭畏我身亦當如是未脫此法  
身中主識役御此身視聽言語作罪作福以

此自貴為何所趣而今但見空舍在此是身  
好相細膚姝媚長眼直鼻平額高眉如是等  
好令人心惑今但見臃脹好在何處男女之  
相亦不可識作此觀已呵著欲心此是屎囊  
臃脹可憊何足貪著死屍風熱轉大裂壞在  
地五歲屎尿膿血流出惡露已現行者取是  
壞相以況己身我亦如是皆有是物與此何  
異我為甚惑為此屎囊薄皮所誑如燈蛾投  
火但貪明色不知燒身已見裂壞男女相滅  
我所著者亦皆如是死屍已壞肉血塗漫或  
見杖楚死者青瘀黃赤或日曝瘀黑具取是  
相觀所著者若赤白之色淨潔端正與此何

異既見青瘀黃赤鳥獸不食不埋不藏不久  
膿爛種種虫生行者見已念此死屍本有好  
色好香塗身衣以上服飭以華綵今但臭壞  
膿爛塗染此是真實分先所飭絲皆是假借  
若不燒不埋棄之曠野為鳥獸所食鳥挑其  
眼狗分其手脚虎狼割腹分掣鬪裂殘藉在  
地有盡不盡行者見已心生厭想思惟此屍  
未壞之時人所著處而今壞敗無復本相但  
見殘藉鳥獸食處甚可惡畏鳥獸已去風日  
飄曝筋斷骨離各各異處行者思惟本見身  
法和合而有身相男女皆可分別今已離散  
各在異處和合法滅身相亦無皆異於本所

可愛者今在何處身既離散處處白骨鳥獸  
食已唯有骨在觀是骨人是為骨相骨相有  
二種一者骨人筋骨相連二者骨節分離筋  
骨相連破男女長短好色細滑之相骨節分  
離破衆生根本實相骨相復有二種一者淨  
二者不淨淨者久骨白淨無血無膩色如白  
雪不淨者餘血塗染膏膩未盡行者到屍林  
中或見積多草木焚燒死屍腹破眼出皮色  
焦黑甚可憊畏須臾之間變為灰燼行者取  
是燒相思惟此身未死之前沐浴香華五欲  
自恣今為火燒甚於兵刃此屍初死形猶似  
人以火燒須臾本相都失一切有身皆歸無常

我亦如是觀是九相斷諸煩惱於滅婬欲最勝  
為滅婬欲故說是九相問曰無常等十想為  
滅何事故說荅曰亦為滅婬欲等三毒問曰  
若尔者二相有何等異荅曰九相為遮未得  
禪定為婬欲所覆故十想能除滅婬欲等三  
毒九相如縛賊十想如斬殺九相為初學十  
想為成就復次是十想中不淨想攝九相有  
人言十想中不淨想食不淨想世間不可樂  
想攝九相復有人言十想九相同為離欲俱  
為涅槃所以者何初死相動轉言語須臾之  
間忽然已死身體臃脹爛壞分散各各變異  
是則無常若有著此法無常壞時是即為苦

若無常苦無得自在者是則無我不淨無常  
苦無我則不可樂觀身如是食雖在口腦涎  
流下與唾和合成味而咽與吐無異下入腹  
中即是食不淨想以此九相觀身常變念念  
皆滅即是死想以是九相厭世間樂知煩惱  
斷則安隱寂滅即是斷想以是九相遮諸煩  
惱即是離想以是九相厭世間故知此五衆  
滅更不復生是處安隱即是盡想復次九相  
爲因十想爲果是故先九相後十想復次九  
相爲外門十想爲內門是故經言二爲甘露  
門一者不淨門二者安那般那門是九相除  
人七種染著或有人染著色若赤若白若赤

白若黃若黑或有人不著色但染著形容細  
膚纖指脩目高眉或有人不著容色但染著  
威儀進止坐起行住禮拜俯仰揚眉頓睫親  
近按摩或有人不著容色威儀但染著言語  
軟聲美辭隨時而說應意承旨能動人心或  
有人不著容色威儀軟聲但染著細滑柔膚  
轉肌熱時身涼寒時體溫或有人皆著五事  
或有人都不著五事但染著人相若男若女  
雖得上六種欲不得所著之人猶無所解捨  
世所重五種欲樂而隨其死死相多除威儀  
語言愛臃脹相壞相噉相散相多除形容愛  
血塗相青瘀相膿爛相多除色愛骨相燒相



多除細滑愛九相除雜愛及所著人愛噉相  
散相骨相徧除人愛噉殘離散白骨中不見  
有人可著以是九相觀離愛心瞋癡亦微薄  
不淨中淨顛倒癡故著是身今以是九相披  
析身內見是身相癡心薄癡心薄則貪欲薄  
貪欲薄則瞋亦薄所以者何人以貪身故生  
瞋今觀身不淨心厭故不復貪身不貪身故  
不復生瞋三毒薄故一切九十八使山皆動  
漸漸增進其道以金剛三昧摧碎結山九相  
雖是不淨觀依是能成大事譬如大海中臭  
尸溺人依以得渡問曰是九相有何性何所  
緣何處攝答曰死相性緣欲界身色想衆攝

亦身念處少分或欲界攝或初禪三禪四禪  
攝未離欲散心人得欲界繫離欲人心得色  
界繫臃脹等八相欲界初禪二禪中攝淨骨  
相欲界初禪二禪四禪中攝三禪中多樂故  
無是相是九相是開身念處門身念處開三  
念處門是四念處開三十七品門三十七品  
開涅槃城門入涅槃離一切憂惱諸苦滅五  
衆因緣生故受涅槃常樂問曰聲聞人如是  
觀心厭離欲疾入涅槃菩薩憐愍一切衆生  
集一切佛法度一切衆生不求疾入涅槃故  
觀是九相云何不墮二乘證答曰菩薩於衆  
生心憐愍知衆生以三毒因緣故受今世後

世身心苦痛是三毒終不自滅亦不可以餘  
理得滅但觀所著內外身相然後可除以是  
故菩薩欲滅是婬欲毒故觀是九相如人憐  
愍病者合和諸藥以療之菩薩亦如是爲著  
色衆生說是青瘀相等隨其所著分別諸相  
如先說是爲菩薩行九相觀復次菩薩以大  
慈悲心行是九相作是念我未具足一切佛  
法不入涅槃是爲一法門我不應住此一法  
門我當學一切法門以是故菩薩行九相無  
所妨菩薩行是九相或時厭患心起如是不  
淨身可憊可患欲疾取涅槃亦時菩薩作是  
念十方諸佛說一切法相空空空中無無常何

況有不淨但爲破淨顛倒故習此不淨是不淨皆從因緣和合生無有自性皆歸空相我今不應取是因緣和合生無自性不淨法欲疾入涅槃經中亦有是說若色中無味相衆生不應著色以色中有味故衆生起著若色無過罪衆生亦無厭色者以色實有過惡故觀色則厭若色中無出相衆生亦不能於色得解脫以色有出相故衆生於色得解脫味是淨相因緣以是故菩薩不於不淨中沒早取涅槃九相義分別竟

大智論釋初品中八念上第三十六  
念佛念法念僧念戒念捨念天念入出息念

死問曰何以故九相次第有八念答曰佛弟子於阿蘭若處空舍冢間山林曠野善修九相內外不淨觀猒患其身而作是念我云何擔是底下不淨屎尿囊自隨嗇然驚怖及爲惡魔作種種惡事來恐怖之欲令其退以是故佛次第爲說八念如經中說佛告諸比丘若於阿蘭若處空舍冢間山林曠野在中思惟若有怖畏衣毛爲豎念時當念佛佛是多陀阿伽度阿羅呵三藐三佛陀乃至娑伽婆恐怖則滅若不念佛當應念法佛法清淨巧出善說得今世報指示開發有智之人心力能解如是念法怖畏則除若不念法則當念

僧佛弟子衆修正道隨法行僧中有阿羅漢  
向阿羅漢乃至須陁洹向須陁洹四雙八輩  
是佛弟子衆應供養合掌恭敬禮拜迎送世  
間無上福田作如是念僧恐怖即滅佛告諸  
比丘釋提桓因與阿脩羅鬪在大陣中時告  
諸天衆汝與阿脩羅鬪時設有恐怖當念我

七寶幢恐怖即滅若不念我幢當念伊舍那

天子

帝釋左  
面天王

寶幢恐怖即除若不念伊舍那

寶幢當念婆樓那天子

右面  
天王

寶幢恐怖即除以

是故知爲除恐怖因緣故次第說八念問曰經  
中說三念因緣除恐怖五念復云何能除恐  
怖荅曰是比丘自念布施持戒功德怖畏亦

除所以者何若破戒心畏墮地獄若慳貪心  
畏墮餓鬼及貧窮中自念我有是淨戒布施  
若念淨戒若念布施心則歡喜作是言若我  
命未盡當更增進功德若當命終不畏墮惡  
道以是故念戒施亦能令怖畏不生念上諸  
天皆是布施持戒果報此諸天以福德因緣  
故生彼我亦有是福德以是故念天亦能令  
怖畏不生十六行念安那般那時細覺尚滅  
何況恐怖麁覺念死者念五衆身念念生滅  
從生已來常與死俱今何以畏死是五念佛  
雖不說亦能除恐怖所以者何念他功德以  
除恐怖則難自念已事以除恐怖則易以是

故佛不說問曰去何是念佛答曰行者一心  
念佛得如實智慧大慈大悲成就是故言無  
錯謬麤細多少深淺皆無不實皆是實故名  
多陀阿伽度亦如過去未來現在十方諸佛  
於衆生中起大悲心行六波羅蜜得諸法相  
來至阿耨多羅三藐三菩提中此佛亦如是  
是名多陀阿伽度如三世十方諸佛身放大  
光明遍照十方破諸黑闇心出智慧光明破  
衆生無明闇冥功德名聞亦遍滿十方去至  
涅槃此佛亦如是去以是故亦名多陀阿伽  
度有如是功德故應受一切諸天世人最上  
供養是故名阿羅呵若有人言何以故但佛



如實說如來如去故應受最上供養以佛得  
正遍智慧故正名諸法不動不壞相遍名不  
爲一法二法故以悉知一切法無餘不盡是  
名三藐三佛陀是正遍智慧不從無因而得  
亦不從天得是中依智慧持戒具足故得正  
遍智慧智慧名菩薩從初發意乃至金剛三  
昧相應智慧持戒名菩薩從初發意乃至金  
剛三昧身業口業清淨隨意行是故名鞞闍  
遮羅那三般那若行是二行得善去如車有  
兩輪善去者如先佛所去處佛亦如是去故  
名修伽陀若有言佛自修其法不知我等事  
以是故知世間知世間因知世間盡知世間

盡道故名爲路迦憊知世間已調御衆生於  
種種師中最爲無上以是故名阿耨多羅富  
樓沙曇藐婆羅提能以三種道滅三毒令衆  
生行三乘道以是故名貫多提婆魔菟舍喃若  
有言以何事故能自利益無量復能利益他  
人無量佛一切智慧成就故過去未來現在  
盡不盡動不動一切世間了了悉知故名爲  
佛陀得是九種名号有大名稱遍滿十方以  
是故名婆伽婆經中佛自說如是名号應當  
作是念佛復次一切種種功德盡在於佛佛  
是劫初轉輪聖王摩訶三磨陀等種閻浮提  
中智慧威德諸釋子中生貴性憍曇氏生時

光明遍三千大千世界梵天王持寶蓋釋提  
桓因以天寶衣承接阿那婆朶多龍王婆伽  
多龍王以妙香湯澡浴生時地六種動行至  
七步安詳如象王觀視四方作師子吼我是  
末後身當度一切衆生阿私仙人相之告淨  
飯王是人足下千輻輪相指合縵網當自於  
法中安平立無能動無能壞者手中德字縵  
網莊嚴當以此手安慰衆生今無所畏如是  
乃至肉骨髻相如青珠山頂青色光明從四  
邊出頭中頂相無能見上若天若人無有勝  
者白毫眉間跔白光踰頗梨淨眼長廣其色  
紺青鼻高直好甚可愛樂口四十齒白淨利

好四牙上白其光最勝脣上下等不大不小  
不長不短舌薄而大軟赤紅色如天蓮華梵  
聲深遠聞者悅樂聽無厭足身色妙好勝閻  
浮檀金大光周身種種雜色妙好無比以如  
是等三十二相具足是人不久出家得一切智  
成佛佛身功德如是應當念佛復次佛身功德  
身力勝於十萬白香象寶是爲父母遺體力  
若神通功德力無量無限佛身以三十二相八  
十隨形好莊嚴內有無量佛法功德故視之  
無厭見佛身者忘世五欲萬事不憶若見佛  
身一處愛樂無厭不能移觀佛身功德如是  
應當念佛復次佛持戒具足清淨從初發心

修戒增積無量與憐愍心俱不求果報可處  
聲聞辟支佛道不雜諸結使但爲自心清淨  
不惱衆生故世世持戒以是故得佛道時戒  
得具足應如是念佛戒衆復次佛定衆具足  
問曰持戒以身口業清淨故可知智慧以分  
別說法能除衆疑故可知定者餘人修定尚  
不可知何況於佛云何得知荅曰大智慧具  
足故當知禪定必具足譬如見蓮華大必知  
池亦深大又如燈明大者必知蘇油亦多亦以  
佛神通變化力無量無比故知禪定力亦具  
足亦如見果大故知因亦必大復次有時佛  
自爲人說我禪定相甚深如經中說佛在逝

頭摩國林樹下坐入禪定是時大雨雷電霹靂  
震有四特牛耕者二人聞聲怖死須臾便晴  
佛起經行有一居士禮佛足已隨從佛後白  
佛言世尊向者雷電霹靂有四特牛耕者二  
人聞聲怖死世尊聞不佛言不聞居士言佛  
時睡耶佛言不睡曰入無心想定耶佛言不  
也我有心思想但入定耳居士言未曾有也諸  
佛禪定大爲甚深有心思想在禪定如是大聲  
覺而不聞如餘經中佛告諸比丘佛入出諸  
定舍利弗目捷連尚不聞其名何況能知何  
者是如三昧王三昧師子遊戲三昧等佛入  
其中能令十方世界六種振動放大光明化

爲無量諸佛遍滿十方如阿難一時心生念  
過去燃燈佛時時世好人壽長易化度今釋  
迦牟尼佛時世惡人壽短難教化佛事未訖  
而入涅槃耶清旦以是事白佛言已日出佛  
時入日出三昧如日出光明照閻浮提佛身  
如是毛孔普出光明遍照十方恒河沙等世  
界一一光中出七寶千葉蓮華一一華上皆  
有坐佛一一諸佛皆放無量光明一一光中  
皆出七寶千葉蓮華一一華上皆有坐佛是  
諸佛等遍滿十方恒河沙等世界教化衆生  
或有說法或有默然或以經行或神通變化  
身出水火如是等種種方便度脫十方五道

衆生阿難承佛威神悉見是事佛攝神足從  
三昧起告阿難見是事不聞是事不阿難言  
蒙佛威神已見已聞佛言佛有如是力能究  
竟佛事不阿難言世尊若衆生滿十方恒河  
沙等世界中佛壽一日用如此力必能究竟  
施作佛事阿難嘆言未曾有也世尊諸佛法  
無量不可思議以是故知佛禪定具足復次  
佛慧衆具足從初發心於阿僧祇劫中無法  
不行世世集諸功德一心專精不惜身命以  
求智慧如薩陀波隴菩薩復次以善修大悲  
智慧故具足慧衆餘人無是大悲雖有智慧  
不得具足大悲欲度衆生求種種智慧故及



斷法愛滅六十二邪見不墮二邊若受五欲  
樂若修身苦道若斷滅若計常若有若無等  
如是諸法邊復次佛慧無上徹鑒無比從甚  
深禪定中生故諸麤細煩惱所不能動故善  
修三十七品四禪四無量心四無色定八背捨  
九次第定等諸功德故有十力四無所畏四  
無礙智十八不共法得無礙不可思議解脫  
故佛慧眾具足復次能降伏外道大論議師  
所謂優樓頻驪迦葉摩訶迦葉舍利弗目捷  
連薩遮尼捷子婆蹉首羅長抓等大論議師  
輩皆降伏是故知佛慧眾具足復次佛三藏  
十二部經八萬四千法聚見是語言多故知智

慧亦大譬如居士清朝見大雨處語衆人言  
昨夜雨龍其力甚大衆人言汝何以知之荅  
言我見地濕泥多山崩樹折殺諸鳥獸以此  
故知龍力爲大佛亦如是甚深智慧雖非眼  
見兩大法雨諸大論師及釋梵天王皆以降  
伏以是可知佛智慧多復次諸佛得無礙解  
脫故於一切法中智慧無礙復次佛此智慧  
皆清淨出諸觀上不觀諸法常相無常相有  
邊相無邊相有去相無去相有相無相有漏  
相無漏相有爲相無爲相生滅相不生滅相  
空相不空相常清淨無量如虛空以是故無  
礙若觀生滅者不得觀不生滅觀不生滅者

不得觀生滅若不生滅實生滅不實若生滅  
實不生滅不實如是等諸觀皆介得無礙智  
故知佛慧衆具足復次念佛解脫衆具足佛  
解脫諸煩惱及習根本拔故解脫真不可壞  
一切智慧成就故名爲無礙解脫成就八解脫  
甚深遍得故名爲具足解脫復次離時解脫  
及慧解脫故便具足成就共解脫成就如是  
等解脫故名具足解脫衆復次破魔軍故得  
解脫離煩惱故得解脫離遮諸禪法故得解  
脫於諸禪定入出自在無礙故復次菩薩於  
見諦道中得深十六解脫一苦法智相應有  
爲解脫二苦諦斷十結盡得無爲解脫如是

乃至道比智思惟道中得十八解脫一或比  
智或法智相應有為解脫二斷無色界三思  
惟結故得無為解脫如是乃至第十八盡智  
相應有為解脫及一切結使盡得無為解脫  
如是諸解脫和合名為解脫眾具足復次念  
佛解脫知見眾具足解脫知見眾有二種一  
者佛於解脫諸煩惱中用盡智自證知知苦  
已斷集已證盡已修道已是為盡智解脫知  
見眾生智苦已不復更知乃至修道已不復  
更修是為無生智解脫知見眾二者佛知是  
人入空門得解脫是人無相門得解脫是人  
無作門得解脫是人無方便可令解脫是人

久久可得解脫是人不久可得解脫是人則  
時得解脫是人輕語得解脫是人苦教得解  
脫是人雜語得解脫是人見神通力得解脫  
是人說法得解脫是人婬欲多為增婬欲得  
解脫是人瞋恚多為增瞋恚得解脫如難陀  
優樓頻驪龍是如是等種種因緣得解脫如  
法眼中說於是諸解脫中了了知見是名解  
脫知見衆具足復次念佛一切智一切見大  
慈大悲十力四無所畏四無礙智十八不共  
法等念如佛所知無量不可思議諸功德是  
名念佛是念在七地中或有漏或無漏有漏  
者有報無漏者無報三根相應樂喜捨根行

得亦果報得行者如此間國中學念佛三昧  
果報得者如無量壽佛國人生便自然能念  
佛如是等如阿毗曇中廣分別

大智度論卷第二十一

建

敬徒敢埋莫皆捺奴代捺三同俗摠字摠非摠他物

英肉字珂員占下葡比額二額同

正已舉下辭下音奄慟音喞音

哭號上祈渠衣捍格德烏故跳

騰條上孝吼兒完唐受細膚

臃脹昨降反又江反葦囊唐受細膚

夫妹尺朱惡露故烏塗漫莫官徒下瘡於去

日曝

又下蒲木

反及挑

反他彫

剝腹

枯上音

掣

反世反設

反國

裂

反音古獲

反反

殘藉

亦下才

筋

斤上音

正賦

反反二

灰燼

反徐

臆涎

似正亦

唾

反士上

織

反息廉

濡

反用軟

披枿

反先連

溺

反奴的

反蒲

戒貫

反奴侯

躡

反徒荅

澡

滌

正音早

輻

福音

綱

下有持

紺

反古暗

直

書直下非

磬

正作

特

反粘

拏

字短

默

嘿同

墨音

波嶮

反音下

駮

反郎和

蹉

反七何

抓

反之巧

論下

平音

漚

反音烏侯

駮

反郎和

蹉

反七何

抓

論下

平音

漚

反音烏侯

駮

反郎和

蹉

反七何

抓

論下

平音

漚

反音烏侯

駮

反郎和

蹉

反七何

抓

